

Sinar Harian - 22/5/2016

## Saudara kita terus dapat perhatian

KUALA TERENGGANU - Persatuan Cina Muslim Malaysia (Macma) Cawangan Terengganu dan Persatuan Darul Fitrah Negeri Terengganu terus komited dalam membimbing saudara-baharu melalui 'Program Kursus Bimbingan Saudara Kita 2016'.

Program yang dijalankan selama dua hari, bertempat di Pusat Persatuan Macma Terengganu dan Persatuan Darul Fitrah Negeri Terengganu turut mendapat kerjasama dari Majlis Agama Islam dan Adat Melayu Terengganu (Maidam).

Pengerusi Macma, Norhana Abdullah berkata, program bimbingan saudara kita ini telah dihadiri seramai 60 orang peserta yang terdiri daripada saudara kita dari kelas Kompleks Darul Hidayah (Perkim), Kelas Arkid Maidam, Kelas Bukit Payong, dan juga Kelas Padang Nenas.

"Alhamdulillah, 'Program Kursus Bimbingan Saudara Kita 2016' berjaya



Sebahagian peserta yang menyertai Program Kursus Bimbingan Saudara Kita 2016.

dilaksanakan. Program ini bertujuan memastikan saudara kita mendapat pendidikan ilmu fardu ain dengan secukupnya.

"Selain meningkatkan taraf hidup saudara kita seterusnya sebagai umat Islam kerana perkara ini sering mem-

belenggu kalangan mereka. Melalui program ini, kita terus prihatin untuk membantu atau menghulurkan bantuan dengan sebaik mungkin kepada saudara kita yang sedang menghadapi masalah, dalam bentuk apa jua (daripada segi kewangan mahupun

pelajaran atau ilmu)," katanya yang juga merangkap Pengerusi Persatuan Darul Fitrah Negeri Terengganu.

Mengulas lanjut, beliau berkata, sepanjang program dua hari itu, beberapa slot telah disampaikan oleh tiga panel jempukan, dengan bebera-

pa tajuk menarik, antaranya 'definisi mukallaf dan muallaf', 'persediaan dan cara memahami muallaf', situasi orang yang masuk Islam dan metode dalam pelajaran muallaf.

"Dengan itu, kami berharap program Kursus Bimbingan Saudara Kita ini menjadi pemangkin kepada kami dan semua NGO di Terengganu untuk bekerjasama dalam menyampaikan dakwah, ilmu fardu ain kepada saudara kita yang memerlukan di masa hadapan untuk menjadi seorang Muslim yang baik.

Norhana juga mengucapkan terima kasih kepada para hadirin yang terdiri daripada kalangan siswa/i Universiti Malaysia Terengganu (UMT) dan juga Universiti Sultan Zainal Abidin (UniSZA), sahabat-sahabat dari badan bukan kerajaan (NGO) termasuklah Ikram Wanita Terengganu dan Perkim Terengganu.